



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ. 010-51-29-53 էլ փոստ՝ <<Patrol-service@police.am>>

N
2022թ.

91/12809

19.07.22

Հաբեթ Դավթյանին

Հասցե՝ Շիրակի մարզ, գ. Հոռոմ, 12 փող, 1 նրբ, 9 տ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180198460 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<4>>թերթ:

**Պետ,
ոստիկանության գնդապետ՝**

Ա. Ումրշատյան

Կատ. Ա. Ստեփանյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 01.06.2022թ-ին կայացված 8180198460 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 07 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս վերանայելով Հաբեթ Դավթյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

01.06.2022թ. ժամը 06:50-ի սահմաններում Գյումրի քաղաքի Երևանյան խճուղում քաղաքացի Հաբեթ Դավթյանի վարած <<Օպել>> մակնիշի 36CM279 հաշվառման համարանիշի տրանսպորտային միջոցը կանգնեցվել է պարեկային ծառայության Շիրակի մարզային գումարտակի 1-ին վաշտի 1-ին դասակի ավագ պարեկ Օնիկ Սահակյանի կողմից:

Հետագա զրույցի ընթացքում վարորդի ոչ սթափ լինելու կասկածանքի հիման վրա Հաբեթ Դավթյանին առաջարկվել է տեղում ենթարկվել սթափության վիճակը որոշելու համար համապատասխան ստուգման, համաձայն <<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 2-րդ մասի <<բ>> կետի 2-րդ ենթակետի, սակայն վերջինս հրաժարվել է:

Վարորդին արգելվել է վարել տրանսպորտային միջոցը, այն տեղափոխվել է ՀՀ ոստիկանության պահպանվող հատուկ տարածք, իսկ վարորդ Հաբեթ Դավթյանը պարեկային ծառայողի կողմից տեղափոխվել է <<Գյումրու հոգեկան առողջության կենտրոն>> ՓԲԸ՝ 01.06.2022թ-ի թիվ 001519 ուղեգրով սթափության վիճակի գննությունն այնտեղ անցնելու համար: Կենտրոնում ևս Հաբեթ Դավթյանը հրաժարվել է անցնել սթափության վիճակի գննություն՝ համաձայն ՀՀ Առողջապահության նախարարության <<Գյումրու հոգեկան առողջության կենտրոն>> ՓԲԸ-ի աշխատակից Լ. Արշակյանի կողմից 01.06.2022թ-ի ժամը 08:44-ին կազմված թիվ 6504 արձանագրության:

Վարորդի նկատմամբ կազմվել է վարչական իրավախախտման վերաբերյալ արձանագրություն և կայացվել թիվ 8180198460 որոշումը՝ զրկել տրանսպորտային միջոցներ վարելու իրավունքից երկու տարի ժամկետով՝ համաձայն <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 4-րդ մասի հատկանիշների: Հաբեթ Դավթյանը հրաժարվել է բացատրություն տալ, ստորագրել արձանագրության իր համար նախատեսված հատվածում և ստանալ որոշման իր օրինակը:

Շիրակի մարզի, գ. Հոռոմ, 12 փող, 1-ին նիբ, 9 տ. բնակիչ Հաբեթ Դավթյանը խնդրել է բեկանել պարեկային ծառայության ծառայողների կողմից կազմված թիվ 8180198460 որոշումն այն պատճառաբանությամբ, որ իր տրանսպորտային միջոցը չի շահագործվել և եղել է կայանված: Պարեկային ծառայողների կողմից տեղափոխվել է <<Գյումրու հոգեկան առողջության կենտրոն>> ՓԲԸ՝ սթափության վիճակի զննություն անցնելու համար, որտեղ իրեն առաջարկել են անցնել զննություն գործիքային եղանակը, չի առաջարկվել անցնել զննություն այլ եղանակով:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով Հաբեթ Դավթյանը հրավիրվել է Պարեկային ծառայության իրավաբանական բաժանմունք, սակայն չի ներկայացել քննարկմանը:

Պարեկային ծառայության Շիրակի մարզային գումարտակի 1-ին վաշտի 1-ին դասակի ծառայող, ավագ պարեկ Օնիկ Սահակյանի կողմից տրված պարզաբանման համաձայն՝ Հաբեթ Դավթյանի վարած <<Օպել>> մակնիշի տրանսպորտային միջոցի կանգնեցվել է վարորդի կողմից տրանսպորտային միջոցը ոչ սթափ վիճակում վարելու կասկածանքով:

Այնուհետև վարորդին առաջարկվել է տեղում ենթարկվել սթափության վիճակի զննության, որից նա հրաժարվել է: Տրանսպորտային միջոցի շահագործումն արգելվել է՝ տեղափոխվել ՊՀՏ, իսկ վարորդը տեղափոխվել է ՀՀ Առողջապահության նախարարության <<Գյումրու հոգեկան առողջության կենտրոն>> ՓԲԸ՝ այնտեղ սթափության վիճակի զննություն անցնելու համար: Տեղում ևս Հաբեթ Դավթյանը հրաժարվել է անցնել սթափության վիճակի զննության, որի վերաբերյալ <<Գյումրու հոգեկան առողջության կենտրոն>> ՓԲԸ-ի աշխատակցի կողմից կազմվել է համապատասխան արձանագրությունը:

Կազմվել է վարչական իրավախախտման վերաբերյալ արձանագրություն և կայացված համապատասխան որոշմամբ վարորդը ենթարկվել է վարչական պատասխանատվության:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 01.06.2022թ. կայացված թիվ 8180198460 որոշումը ենթակա է կատարման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> ՀՀ օրենքի 18-րդ հոդվածի 1-ին մասի <<ա>> կետի համաձայն՝ տրանսպորտային միջոցի երթևեկությունն արգելվում է, եթե՝ վարորդը տրանսպորտային միջոցը վարում է ոչ սթափ վիճակում կամ հրաժարվում կամ որևէ ձևով խուսափում է սթափության վիճակի զննությունից:

Նույն օրենքի 24-րդ հոդվածի 2-րդ մասի <<բ>> կետի համաձայն՝ տրանսպորտային միջոցի վարորդը պարտավոր է ոստիկանության ծառայողի պահանջով՝ ոչ սթափ վիճակում գտնվելու բավարար հիմքերի առկայության

դեպքում ենթարկվել համապատասխան ստուգման՝ սթափության վիճակը որոշելու համար...

Նույն օրենքի 24-րդ հոդվածի 7-րդ մասի համաձայն՝ վարորդին արգելվում է տրանսպորտային միջոցը վարել ոչ սթափ վիճակում:

<<Վարչական իրավախախտումների վերաբերյալ>> ՀՀ օրենսգրքի 265-րդ հոդվածի համաձայն՝ տրանսպորտային միջոցներ վարող այն վարորդները կամ մյուս այն անձինք, որոնց նկատմամբ բավարար հիմքեր կան ենթադրելու, որ նրանք գտնվում են հարբած վիճակում ենթակա են տրանսպորտային միջոց վարելուց հեռացման և սահմանված կարգով սթափության վիճակի ստուգման:

<<Վարորդի սթափության վիճակի գննության կարգը, այդ գննության արձանագրության, ուղեգրի, գրանցման մատյանի ձևերը հաստատելու մասին>> ՀՀ կառավարության 2009 թվականի մարտի 19-ի N 277-Ն որոշման 4-րդ հավելվածի 2-րդ հոդվածի համաձայն՝ վարորդի սթափության վիճակի գննությունն իրականացվում է տեխնիկական միջոցով վարորդի արտաշնչած օդի հետազոտության միջոցով՝ օդի փորձանմուշները վերցնելուց անմիջապես հետո:

Նույն հավելվածի 4-րդ հոդվածի համաձայն՝ եթե վարորդի սթափության վիճակի գննության արդյունքում պետք է կազմվի վարչական իրավախախտման վերաբերյալ արձանագրություն, ապա տեխնիկական միջոցով կազմվում է (տպագրվում է) նաև վարորդի սթափության վիճակի գննության արձանագրություն՝ երկու օրինակից:

Նույն հավելվածի 8-րդ հոդվածի համաձայն՝ եթե վարորդը խուսափում է (այդ թվում՝ հրաժարվելու միջոցով) սույն կարգին համապատասխան վարորդի սթափության վիճակի գննություն անցնելուց, ապա սթափության վիճակի գննությունն իրականացվում է սույն որոշմամբ նախատեսված բուժհաստատությունների կողմից՝ սույն որոշմամբ սահմանված կարգով, իսկ բուժհաստատությունում սթափության վիճակի գննություն անցնելուց խուսափելու (այդ թվում՝ հրաժարվելու միջոցով) դեպքում առաջանում է օրենքով սահմանված պատասխանատվություն:

Նույն որոշման 1-ին հավելվածի՝ <<Բուժհաստատությունների կողմից վարորդի սթափության վիճակի գննության կարգի>> 4-րդ կետի համաձայն՝ վարորդի սթափության վիճակի գննությունն իրականացվում է բուժհաստատության ղեկավարի հրամանով նշանակված բժշկի կամ ստորաբաժանման կողմից:

Նույն հավելվածի 11-րդ կետի համաձայն՝ վարորդի կողմից գննություն անցնելուց հրաժարվելու դեպքում գննություն իրականացնող բժիշկը վարորդի սթափության վիճակի գննության գրանցման մատյանում և արձանագրությունում կատարում է դրա մասին գրառում:

Նույն հավելվածի 14-րդ կետի համաձայն՝ **վարորդի օրգանիզմում ալկոհոլի հայտնաբերման համար գննությունն առաջին հերթին իրականացվում է վարորդի արտաշնչած օդի հետազոտության միջոցով:**

Նույն հավելվածի 15-րդ կետի համաձայն՝ **վարորդի գրավոր պահանջով և (կամ) իր կողմից արտաշնչված օդի նմուշներ հանձնելուց վարորդի հրաժարվելու**

դեպքում զննություն կարող է իրականացվել մեզի և (կամ) արյան հետազոտության միջոցով:

Տվյալ դեպքում վարորդ Հաբեթ Դավթյանը հրաժարվել է անցնել սթափության վիճակի զննություն, հրաժարվել է բացատրություն տալ և որևէ փաստով չի հաստատվում այն հանգամանքը, որ պահանջել է իրականացնել սթափության վիճակի զննություն այլ մեթոդով (միջոցով), մինդեռ <<Վարորդի սթափության վիճակի զննության կարգը, այդ զննության արձանագրության, ուղեգրի, գրանցման մատյանի ձևերը հաստատելու մասին>> ՀՀ կառավարության 2009 թվականի մարտի 19-ի N 277-Ն որոշման 1-ին հավելվածի 15-րդ կետը հստակ սահմանում է սթափության վիճակի զննությունը այլ մեթոդներով իրականացնելու ընթացակարգը:


<<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 4-րդ մասի համաձայն՝ սահմանված կարգին համապատասխան սթափության վիճակը ստուգելու նպատակով զննություն անցնելուց խուսափելը՝ առաջացնում է տրանսպորտային միջոցներ վարելու իրավունքից զրկում երկու տարի ժամկետով:

Ուսումնասիրելով գործում առկա ապացույցները՝ պարզվել է, որ Հաբեթ Դավթյանի արարքում առկա են <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 4-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 01.06.2022թ-ին կայացված 8180198460 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Հաբեթ Դավթյանին և պարեկային ծառայության Շիրակի գումարտակ:

Պետ,
ոստիկանության գնդապետ՝



Ա. Ումրշատյան